



Вулэң ёх верат элты



Хор: Роман Лонгортов

Кевн яңхты вулэң ёхлув элты там потрэм тулэм. Ин сус пора, тащд ёх айн-айн тал удты хотводлада касалты лэщатыдат. Хоптыдал тащ элты атэл вошталдал, ухалдал ямас хушладдал.

Хотн манты верат элты МСП «Мужевское» олаңмет тащ хот куца ху Виталий Озелов каматса ясаң ястас: «Там луцев яма манас. Тащев еша энмас. Шахашак вулды хорты порая йил, муң тащев элты ветсот вулды хорты куцаятан партса. Там ванан няврэмлуд ашкудая воша туслуд. Муң карты юш лепан уллуд па ям, луңан

карты юш хуват поездан воша яңхлуд. Лэтот, квадроциклан яңхты тутыйиңк лудлуд. Ун вош элты анта хув па сотовый связь тайлуд, интернет хуват па айкед рутлува китты верытлуд. Ин хотэв Кев тум пелакан лойд. Айн-айн касалты актащлуд. Там лаптатан хоптылуд атэл каталдалуд. Щалта ши ханты мува касалты питщалуд».

Там ванан МСП «Мужевское» нядмет тащ элты Юлия Лонгортова телефон хуват айкед верас: «Муң ин Саран муван уллуд. Ин хотан тал нэңат няврэмлуд пидан улдат, ёх палаткая мантсат. Тащ элты хащам вулэт акатдалад, па тащата питам

войлуд каталдалад. Там ванан ветмет таща вулды каталты яңхсат. Палаткая манты едпийн пушасан вулдылуд луңатсаллуд, портуанан понтсаллуд, суюват палдал эватсаллуд. Овкурт элты нэтты Эдуард Кириллович Макаров ийимед Ольга Ильинична пидан ёхтылысқан. Ешаул ёхлуд ёхатты верэд ул. Хор оңат эватты питлуд. Муң лонщ питты юпийн Кев уншты питлэв, ванты лонщ элты кеншак манты. Хорсащты порайн туп воша ёхатлуд, Ас потты тылащ холдаты кемн».

Валентина Рохтымова
ханшам потар

Уважаемые педагоги!

От всей души поздравляю вас с Днём учителя!

Вы выбрали удивительную профессию, в которой невозможно быть равнодушным. На ваших уроках дети познают важнейшие жизненные ценности – честность, трудолюбие, любовь к Родине, способность мыслить и сопереживать. Вы – настоящие архитекторы судеб.

Для нас важно, чтобы дети получали достойное образование. Стремимся обеспечить комфортные условия и ребятам, и педагогам. Для этого строим самые современные школы, оснащаем их высокотехнологичным оборудованием, реализуем уникальные образовательные проекты. Уже более десяти лет в системе образования работает программа по привлечению лучших педагогических кадров – «Учитель Ямала». За это время грантополучателями стали свыше 430 педагогов. В этом году мы обновили её, сделав ещё более привлекательнее – теперь победители конкурса получают до полутора миллионов рублей.

Ямальское образование уверенно идёт вперёд. В прошлом учебном году более 400 выпускников получили аттестаты с отличием. Регион впервые в истории завоевал 24 награды в финале Всероссийской олимпиады школьников: 11 участников стали победителями, 13 – призёрами. Наши ребята поступают в лучшие вузы страны, набирают высшие баллы на ЕГЭ – в 2025 году 26 выпускников достигли максимального результата. За всеми этими достижениями стоит ваш колоссальный труд и это лучший показатель вашего профессионализма!

Дорогие педагоги! Искренне благодарю вас за верность профессии, мудрость и душевную щедрость. Желаю вам крепкого здоровья, вдохновения, профессиональных успехов и благодарных учеников!

Губернатор Ямало-Ненецкого автономного округа
Д.А. Артюхов

Дорогие учителя,
преподаватели и ветераны
педагогического труда!

Поздравляю вас с
профессиональным праздником
– Днём учителя!

Ваш труд – это не просто профессия, это истинное призвание, требующее огромной мудрости, терпения и душевной щедрости. Вы не только даёте детям знания, но и прививаете им лучшие человеческие качества, помогаете раскрыть таланты, становитесь для них путеводной звездой в мире открытий и возможностей.

В условиях Крайнего Севера ваша миссия приобретает особую значимость. Вы создаёте будущее Ямала, воспитывая поколение, которому предстоит развивать наш уникальный Арктический регион, укреплять его экономический и интеллектуальный потенциал.

Особые слова благодарности ветеранам педагогического труда, которые заложили прочный фундамент системы образования нашего округа. Ваш опыт и преданность делу служат примером для молодых педагогов.

Желаю крепкого здоровья, неиссякаемой энергии, мудрости, терпения и благополучия! Пусть ваша работа приносит вам радость и вдохновение, а благодарность учеников станет самой высокой наградой!

Председатель Законодательного Собрания
Ямало-Ненецкого автономного округа
С.М. Ямкин

Ямал мувна «Мастер фольклорного жанра» дырамда

Аратэдна ор, ханты па селькуп мур эвалд холам нэңху «Мастер фольклорного жанра» нэм сытлат. Ши касасая пидтащиты ораңна масд Ас потты тылащ 24-мет хатд маса масты нэпекат акатта па там адрес хуват китта: 629008, Ямало-Ненецкий автономный округ, г. Салехард, ул. Гаврюшина, д. 17, дырамтта там телефон номер хуват рахал: 8 (34922) 6-70-21.

«Мастер фольклорного жанра» нэм 2016-мет тал эвалд мада. Аратэдна ши сус 26 Ямал мув нэңху щимащ волаң нэм сытас.

Касң тал там касаспа Международной десятилетие языков коренных народов 2022-2032 талат эгида илпина манд па «Народы Арктики» региональной проект онтасна.

Вера Лонгортова хансам потар



Хор: ЯНАО КМНС Департамент

Щимащ нэм мада хой Овс мир шоши мир ясаңна фольклор савийл па алңищ тул, хой региональной, всероссийской па международной шоши мир фольклор савиты уйтантопсайт-на пидтащидл.

Нявремат пидна ропытты вер омащ

Касдыман яңхты ашкуда Ямал мувна лувел ямас эттаслы. Щиты, Овкурт ашкуда-интернат щи ораңна нэман верам грант сытас, аратэдна ветсат щёрс. Тамхатл щиты хос молтас няврем онттада.

Там дуң нявремат пидна ропытта Светлана Артанзеева яңхас, лув Овкурт ашкудайна ихощёңмет классна онттылд. Ай классатна онттыды Есения па Виктория пидна лув математика па руц ясаң онттасат, монщат дуңатсат, хорат хансат па хыс эвалт вас хорат версат. Щи томпына лыптат акатсат па тун каратсат.

Светлана лавты ясаңна: «Дуң пора – щит щимащ пора хонты нявремат ента па нёхамтыта лытлат. Щитна ма лув орңиладна анта топ онттыды урокат вердам, лув кутладна енттадам. Самамна сэңк омащ,



Хор: Светлана Артанзеева

нявремат онттады ныңни ропытмем ораңна, нявремат элты ищи кас ос щиты онттыман пора хыйта».

Овкурт ашкуда сытам грант охладна дуңатты нэпекат, нэтбукат па камн сот онттыды

нэпекат лотсат. Щимащ пормасат онтасна нявремат элты мет кон питл онттыда. Анта топ дуңатлат па хор вантылат, холна хансантта ямас ондадат.

Вера Лонгортова хансам потар

СВО хоща лялесты ях ораңна

Ямал мув эвалт СВО хоща лялесты ях итта куртат хуват яңхты тохлаңхапна лувилал масты хатл алаң эвалт билет лотта веритлат. Щимащ айкел окружной ёсат па машинайт пидна ропытты департамент эвалт ёхтас.

Дырамтты ораңна авиакомпания телефон номер хуват инциста рахал +7 (34922) 2-52-51.

Щи томпына лув орңиладна Telegramm хоща чат-бот «Меры поддержки участникам СВО»

верса, мала нятапсэт дэщатман оллат аса щита оцта рахлат. Аратэдна лялесты ях па лув хаттэл нэңхулад ораңна лапатёңкем нятапсы ропытал. Ясна пайтты кон ораңна датл мера щирл йит хуват арсайт. Касң нятапсы ораңна щирл-ширд нэпек акатты перечень версия. Щита холна муниципальной нятапсы йит лоңалты вер ол.

Вера Лонгортова
хансам потар



Хор: Андрей Ткачев

Шоши хоятата нётты верат

Ямал мувн шоши мир ёх ураңан госуслуги портал хоща атэл лопас версия. Ин Овс мув шоши мир хоятата нётты верат йи тахая акатсайт.

Щи ялап щир дэщатам онтасан, шоши хоятат йи тахайн нэпеклад дэщатты верытлат. Щи доқсат няврэм охат, «чумовой капитал», уталтыты ураңан сохаптыты сертификатат, сох па сопек лутты охат. Щи тумпийн ох ант сохап-

тыман пеңк верты нётап ищи щи дэщатса.

Лапатёяң молтас процент мосты нэпеклад Овс мув хоятат электронной щиран китладлад. Щита ходна рахал вантты, муй хорпи нэпекат акатты, холта китты мосал. Щи тумпийн щита щи ох ант сохаптаман юридической консультация хулантты рахал.

Валентина Рохтымова
ханшам потар

Нэман верам мойдапса сытта рахал

Нэман верам П.Е. Салтыков, Л.В. Лапцуй, С.И. Ириков нэмпии мойдапса сытты ораңна заявка маты пора пунсса. Щимащ премия 2012-мет тал эвалт мада.

Щи касты хара пидтащиты ораңна ор, ханты па селькуп ясаңна потрат хансты нэңхэт вахлайт, хансам потарлад лув яседна этты газетайна понта маслат.

Касты хара китты потрат камантсы йит хуват олта веритлат: «Рут ясаң», «Община – таматта, тамхатл, халэват», «Ямал – ма хатам» па «Семья».

Касты хара нох этты холам автор литературной премияян малайт «Мет ямас ор, ханты, селькуп ясаңна хансты потар газетая эттал ораңна па Ямал мувна яседел па щирлад-пищлад савитэл па алңиц тутэл ораңна» номинация хоща.

Касң премия тынал 50 щёрс солдува.

Хой щи касты хара пидтащиты вер тайл ки, хансам потардан «Дух Авт» газетая понты ораңна Ас потты тылащ 1-мет хатл маса китадн.

Заявка па касты хара пидтащиты потрат щёхар тылащ 25-мет хатл эвалт Ас потты тылащ 13-мет хатл маса Ямал мув шоши мир верат пидна ропытты департамента китта рахал электронной почта хуват: Dkmns@yanao.ru па ал почта хуват: 629008, Ямало-Ненецкой автономной округ, г. Салехард, ул. Гаврюшина, д. 17; там телефон номер хуват дырамтта рахал: 8 (34922) 6-70-21.

Вера Лонгортова хансам потар



Хор: Валентина Рохтымова



Айдат хоттэлат хот моцатты талат элатсайт

Хащам ятан айдат хоттэлат ин верытлат «36+» программа щиран хот моцатты. Там едшийн туп 35 тал унты «Молодая семья» программа щиран ялап хота лоңты верытсат. Щимащ партапса Ямал губернатор Дмитрий Артюхов «Вещкат юш» вермад порайн тыйлгас.

Тал соханты унты соткем хоттэл верытал щир программа пилтащты. Щи ураңан округ бюджет элты ох эсалман уса. «Молодая семья» программа онтасан 70 хоттэл хотан мада, «36+» онтасан 30 хоттэл.

Кашң куртаң па вошаң хоят верытал пилтащты. Айдат хоттэл мохи Новый Уренгойн, Ноябрь-



Хор: Александр Чирва

скан, Надымской районан ул. Хол лув тунял нэпеклад маслад. Ар хоят ил куламты вутщийм хотан ул, итужлат ипотека вусат. Щи-

шан няврэмлад энмалты ураңан ям хотан улты лаңхалайт.

Тал питщам вуш элты аратадан 700 хоттэл мосты нэпек мас.

Арпелак сертификат ёша пайтсат. Туп мосал хот уйтты па лутты. Ант тарамты тахайн охна нётты.

2019-мет тал вуш элты «Молодая семья» программа онтасан 5 700 сертификат мийман уса. «36+» программа онтасан 759 хоттэл ялап хотан улмитас. Щий пилтащты хоятат няврэмаңат улты верэл ул.

Куртаң хоятлува мосал утхота яңхты па хот моцатты щир такан лэрапты. Ванты, антом кашң куртан кум ул. Нын хотаң улапсайн нын ёшанна. Щишан нын елды улапсайн элты нумасаты.

Аллина Тоярова ханшам потар

Ияха нётасман елды улдув

Там лапатаң Россия доватан постаса, хоты Донецкой па Луганской Народной республикайңан, Запорожской па Херсонской областяңан хон мувева лоңксаңан.

«Щёхар тылащ хольмаңмет хатадан, муң пундэван улты хоятлув ёхи ёхатсат. Лув шеңк хув там хатлэд лавадсэд. Арпелак хоятат муң хоятлув пилан хотат омассат, улапсаев ямашак версэл, вошлуд па куртлуд хорапсат. Ямал муваң хоятат иса нётлат, хота муй вер тыйилдыл. Тамхатл муң ияха понасман ялап регионатан улапса туңа-щира лэщатман улдув», – ЯНАО губернатор Дмитрий Артюхов ястас.

Ущ тылащ 2022-мет тал вуш элты Ямал Волновахая нётал. Щи сыс 300 хот ялпитса, муй па ялпа омасса, лув кутэлан 200, хоятат улты хотат. Хус ашкуда, нийлхус детской сад, МФЦ, леккар хотат, молодёжной центр. Ялап юшат талдайт па катра юшат иса туңа-щира лэщатлайт.

Щи муватан улты няврэмат кашң пуш мойңа тый ёхтылдылат. Ашкуда пормасатан нётлайт, Питы щарса щутщаты тутдылайт. Щи тумпийн,



Хор: ЯНАО губернатор пресс-служба

муй хорпи касапсайт тата маныдылат, Волноваха няврэмат ищи пилтащилат.

Округеван улты кашң муниципальной образование щир муваң куртат па вошат сайлаты щира ул, иса нётал. Мет такан па ванан леккар верат тайлат. Там пуш нялъяң леккар щий хоятат яммалты яңхас.

Тунял вуш элты Авдеевка хоща улты хоятат ищи нётлайт. Ялап утхотан омассайт, хотлэд ялпитсайт, курт харылад сыстапсайт. Сот ярсот хоят ялап хота лоңас, елды улмитас.

Аллина Тоярова ханшам потар

Нэпеклы худ велпасдыты

ЯНАО Законодательной Собрание депутатат «Худ энмалты, худ велпасдыты па йиңкан улты войт, худат шавиты» региональной Закон туңа-щира лэщатсэд.

Щитн Ямалан улты хоятата лэты кеман худ велты ураңан, нэпек ханшты ант мосал. Йи атаң хатл сыс хус кила худ моцатты рахал. Щит ряпушка – яң кила, пышгьян – вет кила, паннэ, дар худ, сорт, мевты, лещ – хус кила. Щи аратн щир худат рахал моцатты, щир пуляң щимащ худ велты рахал ки.

Валентина Рохтымова ханшам потар

Айкед соращак моцатты ураңан



Там QR-код хуват лоңаты па вантаты, муйсыр нётосайт СВО хоща улты мохета мадайт. Щи тумпийн нэңлада, няврэмлада, аңкилада па ащилала ищи нётоса вуты рахал.

ОБЪЯВЛЕНИЕ

ВРЕМЯ ДЛЯ ВАЖНЫХ РЕШЕНИЙ

5 000 000 РУБЛЕЙ В ГОД

2 300 000 РУБЛЕЙ ЕДИНОВРЕМЕННО

При заключении контракта **на Ямале**

Подробности на сайте **contract89.ru**

Сот педа вет тада ювам ики потар

Унт дор тыдасян Ялап Кевавта яңхем порайн, Владимир Владимирович Конев пидан уйтантысам. Дув си куртан ул. Унт дор тыдась хольмаңмет хатадан сот педа вет тада йис. Сэма питам хатладан хон мув кусяйн мойлапса ясаңан китса. Там лопасан дув элтэд потрэм тулэм.

Хоты аңкел-асел там курта ёхатсаңан

Катра пора элты Ялап Кевавтан Александр па Владимир Конев кат яйңан усңан. Йи яйл Владимир Владимирович Конев там хатл унты ул. Си куртан энмас. Муй иса нумал, каман шушидыйл, лэтот кавартал, рэп хося яңхилдыйл, сита омасты таха ул, куртаң хоятлад пидан потрэмийл. Хой порайн похалаң хул велпаслаты тутдыла.

Ма дув пидэлан потрэмисам. Хота Нина Михайловна Егерь нётас. Дув куртад па хоятлад элты, муй уятад, нэпека ханшлалды. Владимир Владимирович аңкел-асел даварт улапса элты потар тус: «Асем хон (царской) армияйн лялясас. Хун ёхи ёхтас, мохты мосятса па паратса. Аңкем Мужи вош элты Кевавта вурты ёхан шук туты китса. Тата дув мис хотан рупитас. Куртэван амуи атом торн энмас. Си торн элты мисат хадсат. Дув си мисат ураңан па воша катеран сутытты туса. Хун дув катэран туса, йиңка навармас. Сита антома йис. Аңкем Нина Михайловна аңкаңкел пидан духас нэңа усңан, Суматвош элты Пулңавта почта тутдысңан.

Си порайн муң хот ант тайсув. Асев ураңан хотан ант мийдысаюв, ситы си шукащман мис хотан усув. Александр яйем хун лапатхосьяң тада йис, ярхус тал доват палды эви нэңа тус. Уңал хуват туп луңатты верытас. Яң ныврэм тайсаңан. Ай хотые омассаңан. Муң утсая хасям ныврэмат хол си хотые-нан яха усув, яха энапсув».

Уна ювам икев улапса

Владимир Владимирович дув элтэд па ясаң верас. Хоты ус, хота рупитас: «Ма Мужи во-

шан 1930-мет тадан сэма питсам. Кевавта 1940-мет тадан ёхатсув. Удмем сыс хул, вой велман усам. Мужийн хун усув, ашкудая яңхсам. Тата ант уталдысам. Водаң Ляль манты порайн ма холна ныврэм. Ляля ант яңхсам.

1941-мет тадан рупитты питсам. Си тадан ун йиңк ус,



Владимир Владимирович Конев.

Евдокия Филипповна Конева, ярсот йи тал унты ус. Дув опрась нэмад па Конева. Хун хулам ныврэм тайсаман, холна яха ханшлтаман ант усман. Йи опрась нэм, муя ханшлтантыты. Си порайн, ханшлтаман ки ант улдан, ох сохапаты мосас. Хун нядмет ныврэмев сэма питас, сит элты туп худсаман. Нэмолаты хоятан ант па ястыдысайман. Катхосьяң тал ад ситы ма элтэм ох катадса.

Нял ныврэм тайсаман – кат эви, кат пох. Ун эвем па муван ул. Ай эвем Тюмень вошан. Йи похем Москва вошан рупитал. Кимет похем ма пидэман ул. Яма рупитмем ураңан ар мойлапса нэпекан па мевал посан юкантман усам».

(Елды па ул)

Альбина Тырлина
ханшам потар

торн антом. Мис ар ус. Сишан кашң хоттэда хус кида хаш юх дэсятты мосас. Ляль порайн куртан нэңат, пирась хоятат па ныврэмат хасьсат. Хол рупитсат. Уншак ёх хоятат хол ляля вусайт.

Пулңавт элты Суматвош унты тата юш маныйдыс. Тадан лялян мушмалтам хоятат муң куртэв мохты тутдысайт. Муй хошам сохат тайсув, лувилала думтыдыслув. Муң ай хотан хулам хоттэд хоят усув. Холна вошңан кутан манты хоятат хойдысат. Хошмалтысат па сютсаясат. Муй ястаты, улты даварт ус.

Хун ляль етшас, норма хуват аршак нянян мийдыты питсаюв. Совхоз хося ар вой тайса. Вой улты хотэв хошмалты ураңан, ар юх мосас. Тут антом ус, юх муң дэсятсув.

Луңан торн сэварты яңхсам, тадан вой велман усам. Си юпийн иса хул велпасдыман рупитсам.

Пенсияя манмем юпийн холна рупитсам. Талдам ант тарапсат. Холта ханшидысайт, ант уятдам. Ситы нийл талэм ахолта ушас. Туп 1948-мет тал элты стаж талдам луңатты питсайт. Си порайн сиел педа вер ант тайсам. Манэма муй мосас, хошам па лэтот ат тайсам. Си порайн ма ох ёшан ант катдысам. Хун ох шитыдыты питсам, иса имема мийдысдам. Сикуш ох луңатты хошсам. Хун пенсияя манты пора ёхтас, туп талдам дэрапты па арталдыты питсам.

Хун ими тусам, Дуся нэмад, наман ай хотые омассамаң.



Дов элты пормасат эваттыя уталтасайт

Ёмвошн Югра мув Ремёслайт хотн наука щирн манты мирхот ус. Щи мирхот порайн куртат, вошат элты ёхтам хоятат дов элты арсыр пормасат вертыя уталтасайт.

Мет одаң хатадн ияха акташам ёхат па нэчат едпийн ям вуца ясаң округев Ремёслайт хот куца нэ Марина Кабакова тус. Лув тата щиты потартас, хоты наука щирн лэщатам уталтаты верат дый нэмолты порайн ант па верыдысат.

Имолты талн дый Москва хон вошевно Россия мув доватн верам «Сокровища Севера» нэмпи емаң хатла яңхсат. Щи хатлатн округев Ремёслайт хот куца нэ арсыр умащ пормасат дов элты туса па хорамаң эватты руц ики Андрей Гаврилов пилн уйтантайс. Щи хатнэху араткем хус тал сыс дов пилн рупитл па кашң пуш сыр-сыр вантопсаята Россия мувев доватан яңхал па лув ёшңадалн туса верам пормаслад вандал. Щи вер тумпийн, там верантты ху хоттэл ёхдал пилн Горноправдинск вошн Югра мувн ул. Щимащ вер ураңан Ремёслайт хот куцайтн нэман Ёмвоша вохса, дулан лув муң округев доватн улты хоятат ищиты верытты кемн дов элты арсыр хорамаң пормасат вертыя тата туңа-щира елды ат уталтасды. Ванта, и тухал хоятат щикунш лаңхалайт дов элты молты пормасат эватты па ант хошлат, муй щирн щи доват эваттыя.

Ремёслайт хот куца верам айкел юпийн Наталья Фёдоровая ясаң елды маса. Лув, ванты, ар тал наука щиратн округ хоца искусствовед нэна ул па ханты мирэв дов элты пормасат лэщатам щират япсыена уйтлады. Щи вер ураңан там мирхота



ёхтам хоятат едпийн дов эватты верат элты арсыр айкел тус.

Наталья Фёдорова потартас, хоты дов пилн хантэт, охалят, ёрнат йис порайт вуш элты туңа-щира па шеңк туса рупиттыя хошсат. «Ма тамхатл нынана ванлтатыя питдам щимащ пормасат, мата отат Россия хон пелак арсыр музей хотатн холна XIX-мет нупат вуш соханты тал пораятн усат. Ищи хорасоп йис пормас щуңкат нын туп округев доватн улты мет хув тахайн омасты куртатн хантэт кутн тамхатл ванттыя верытлаты. Компьютер хоца вулэт ухда киртыя нюки кедат вантлаты. Щи кедат дый кутэлн дов элты туса верам нюмар лакат онтасн холдыена ияха карат-



ман улдат. Щалта па кашң лак хоца щи вулдыдал тайм куца арсыр ай ханшет туса па хорамаңа эваттыя верытас. Щиңанща йис порайт вуш элты ханты хоятат дов пилн щиты щи рупитсат. Кашң ай муй уншак дов элты верам пормас иса ханшийн эватсат. Нын, алпа, тата оша версаты, хоты нюки кедат па доват ищиты иса вуды элты хоятатн лэщатсайт. Щи ураңан дый ияха шеңк яма па хорамаңа вантаслат», – тамиты Наталья Фёдорова



Дов эватты ху А.М. Гаврилов хоятата вандал, муйсыр дов пилан рупиттыя рахл.

дов эваттыя уталтаты ёхат-нэчат едпийн хорасаңа айкедат верас.

Елды ияха ёхтам хоятат едпийн арсыр умащ пормасат дов элты туса эваттыя хатнэху Андрей Гаврилов потартас, муйсыр вой доват пилн округев хоца там ёхи хащам пораятн рупиттыя рахл. Лув ясаңдал элты оша йис, хоты арпелак щит вуды, кураң вой, арсыр бизонат, носорогат па мув хор оңтат, мата отат Ләңал Ас рува олдатн там йисн хул па вой велпаслатыя ёхлувн иса уйтлайт.

Мет ям довата, лув щирадн, мата отат элты хорамаң па тащан пормасат ин вертыя верытлув, щит ищипа мув хор оңтат. Щитат округев хуватан, алпа, 20-кем молтас щёрас йис порайт вуш эвалт тамхатл унты мув илпийн холна олдат.

Муң хоцаев уйтты мув хор оңтат питы елпапат. Ванта, дый олты тахайдал пуңалн патар ох картэт па ликамлат. Щи вер онтасн мув хор оңтат па доват айн-айн холдыена питыя йилат. Андрей Гаврилов айкел щиратн, Якутия потам мувн ищи мув хорловат муй оңтат там йисн ям араткем хоятат уйтлат. Юхат щи отдал туса верантты ёхдала ям тын сахат ел тынылат. Туп щи мув хор оңтат донщ хораспет па шеңк новет. Ванта, йистэлн потам мув па еңкат кутатн холдыена олдат па туп хошам хатл рувн питтыя кемн нох эттыя ведци верытлат. Щалта верантты икев потартас, хоты мув хор оңтат пилн рупиттыя кашң пуш ал умащ. Туп щимащ от кашң хатнэху моцаттыя ант верытл.

(Елды па ул)

Владимир Енов ханшам потар

Ханты мирэм

Там опсантам лацкам мувна,
Ханты мирэм улмал-ие,
Сэмна ныты хорам мувна,
Дув ши шумамтымал-ие.
Яна-яна хорам мувна
Дув ши шумамтымал-ие.
Хув йис тэлна хул
лув ведмал,
Уды тацдал шавилымал,
Войд ищи велдылымал,
Щиты няврэм энмалтымал.
Яна-яна хорам мувна
Щиты няврэм энмалтымал.

Ядпа энмам няврэмийет,
Ясцев елды тувилдыят,
Ун опрацлув улам щират
Ядпа нох па каншилдыят.

Яна-яна улам щират
Хува елды шавилдыят.

Ханты ясцев, улты щирэв,
Хув нупатна понылдылэв,
Ханты щир ки шавилдытэв,
Холта унты улдылдытэв.
Яна-яна шавилдыят,
Ипушая улдылдыят.

Руцев-хантэв энмам мувна
Хорам сохлан лумтамтыят,
Туңа-щира уламтыят,
Тусан елды шумамтыят.
Яна-яна хорам сохна
Ад па шумамтыят-ие.

Тамара Пырысева



Хор: «ДА» архив

Ма аңкием

Ма аңкием, хоты нумлэм,
Рупатайлы ант улдыяс,
Луң порайна хулэң хурэт
Тэрмат иса лэщатыяс.



Хор: Альбина Тырлина

Содаң худэн ванщты мосал,
Нырдал шумхна тахартыяс,
Тал кешая щёхаң война
Путдал мосал вертыяс.

Ёхантайнэ аңкем ими
Метты вер па ант уйтыйс,
Шак йиңк кутна щиты ванты,
Хатл хуват шумамтыйс.

Аңкев алаңсахат ахун
Кармас юхи паят алтал,
Хой порайна мурхи сундал
Мудан дойдат муцев
лавдман.

Аңкев рупатайл холды:
Тонты ёнтты, хот лацктыяс,
Ши кут мосл торн верты,
Щалта кеплат лэптаптыяс.

Тупар шупат етшаптаты,
Тохам посат лап ёлтыяс.
Сах ханшидал еша ёнтты,
Охшам сылдал кераттыяс.

Щимащ аңки таилдысуб,
Хоттэл няврэм энмалтыяс,
Ад куш таңха метылдыс,
Щит хун муцев ястылдыс.

Щира-пада потартыйс,
Нопса ясаң хайлдыс,
Пумащипа, ям аңкиев,
Ултэв хуват наңен нумлэв.

Тамара
Пырысева

Сумат

Мет наң хорам юхат кутан,
Сорнең ернас лумтман нох.
Мет хорасаң дойдан унтан,
Нёхтаманшак нохлы ох.

Тонты эвалт онтпат верман,
Хантэт таңха тайсат ош.
Матты сумтэн онтап кертман,
Щита потса, вантты – каш.

Ши ураңна мосаң похал,
Сумат пела удман ин.
Ант нёхталды нави сахал,
Туғаң нёл ант китад ид.

Нави сумат ма па лудан,
Опем иты шависэм.



Хор: Вера Лонгоргова

Вотас ищки эвалт унтан,
Лаям элды ханятсэм.

Роман Ругин



Хор: Альбина Тырлина

Худам катра хотые

Ай ханты куртэм элды
Худам катра хотые
Рува элды дойдат,
Хоятлы па хот войды...

Щита донщ, муй вот,
Муй ерт, муй вотас: иса ям.

Нэмалт хоята торас антом,
Нэмалт хоятан ант увадла.

Хойдыман, хопев хайман,
Вуты яңхлув, поры верлув.
Амуй сыйт ванан щашчат?
Рома уда! Ант палтапта!

Мосаң, хоят тур
сый худман,
Луңхат вана ёхтаптыдат.
Мосаң... Муя щиты улты?
Пора хащас. Хоят антом...

Даварт саман ныклы
манлув,
Самлув айлда тарыдат.
Мосаң, па ишн ёхтылдытэвн
Тата пасан па омталдылув...

Нина Егерь

Мирэн нума

Улды кен ант ул –
Туп йи пуш тыйлув,
Туп йи пуш уллув,
Па йи пуш парлув...
Куш мирэв ун ант ул,
Нэматла – ханам, ханты.
Муй тащ мутра тайдан
Иса мирэн кеша мийи.
Нопсэн ёвра манас ки,
Ханты мирэн ёрэмасэн,
Рут ясцен ант хошлэн
Шукащ – даварт питл наңен
Омен ястал:

– Парас похем...
Сэмдал нюр лотхимел
Ант тайлат номас,
Куш уна таллилды
Сэмдал туп куцлат.
Кутюв доватые,
Амп иты хоратл,
Муң пелаев орыял.
Ясталан наң:
– Щимащ ёх хой верас?
Мирэл ёрэмасэл,
Рут ясцел ант хошлат
Паясаңан щумпилат.



Хор: Альбина Тырлина

Потард мир:
– Рущеда лув йисат...
Анта,
Лув рутлы ампат,
Хошам хот элды
Ким хонтам катет.
Ши куняр хоятат
Ликан шеңк этсайт!
Лувилал ищи ма
Так ханты ясаңан
Ликащман няхлалдам,
Хомщеман сәңкдалдам!

Даниил Китаев

Сорнең ухал

Хулам хот лойл. Щита хулам ху нәңдал, няврәмдал пидан удлат. Вулэң тащ тайдат. Муй кеман верытлат, вой велпасладат.

Имолтыйн хотаң икет вой велты актацсат. Алаңсахат вулыдал лойлтасдал, шай йинщсат па унта дэлапсат. Хув мантсат, ван мантсат ат холты тахая ёхатсат. Уккелдал ил ярсалат, ат щутщаты хар лэщатсат. Тут алты мосал, щераюх каншты питсат. Унта манам ёх, йи ху патн щераюх ант тайл. Нумасдат: «Муй верты, хоты нэрыты?»

Итад потартал:

– Юха нох хуңхатан, хота тут дэты шиялалтан, щи манлув.

Йи ху юха нох хуңхас. Йи пелка аңкармас, кимет пелка аңкармас. Вантал, йи тахайн тут дэты ныла. Щит элты катчалала ястас.

– Наң щи яңха, щилта щераюх, мосаң тут тува, – мет ай ху потартал.

Юха хуңхилыйм ху тут ныты тахая манас. Щи ёхтас, щита пиращ ики ат олты холмал. Катра ики ратхар вермал, шай кавартал, ёшдал хошмалтал, амуй ун номас нумасман омасал.

– Вуца уда! – ёхтам ху вуца верас.

– Вуца, вуца, хилые! Наң па муй патлам кутан тата шушилыдан?

– Ма духасдам пидан вой велман яңхлув. Етная йис, тут алты щераюхан нәңдуван ант понмев. Тут алты щирэв антом. Тут вохты ёхатсам.

– Хилые, ма тутэм малы тынаң, щиты ант малэм: лапат няхмаң монщ манэм монща – щи порайн тутан малэм.

Вой велты ху еша лойс, щалта катчалал хоцца манас. Ёхтас духасңалад хоцца, еша лойс па ястас:

– Щита пиращ ики тут адмал. Щикуш вохсам, лув тутал тынды ант малды.

Щалта кутлап икел педа нюхмас:

– Мана, наң яңха. Мосаң уна ювам ики наңен тут мал.

Кимет ху тутаң тахая шушас, ёхтас. Пиращ ики лойл.

– Вуца уда, ун ики!



Хор: Илья Михно



– Вуца, вуца, хилые!

– Ма тут вохты ёхатсам. Муң талаң хатл велпасламан яңхсув, метсув. Муңев тут мия, патлам – шай каварты щирэв антом. Тут малан?

– Хилые, ма тутэм малы тынаң, щиты ант малэм: лапат няхмаң монщ манэм монща – щалта малэм.

– Ма монщ монщты ант хошдам. Холща па наңен лапат няхмаң монщ тампуляң вудам?

Щутщаты харала ёхды манас. Хуйңалад педа ястас:

– Пиращ ики манэм ястас: «Лапат няхмаң монщ монщлан ки, ма наңен тутан малэм, анта ки – ант малэм».

Мет ай хуел молткем тумаяң ус. Хуйңалад педа нюхмас:

– Ма сары мандам! Нын, ма вантдам, ошн антом. Монщ лэңки муй ант монщты.

Ун икел хоцца ёхтас. Итад тутал сорам юхатан аддылды. Ин икел пидан еша потрэмийс:

– Акайе, муң нәңдув, мантэв елпийн, халы хирлува щераюх холна ант понмел. Тут алты щирэв антом. Мия муңев тут, еша куш хошмалтылув.

– Ма тутэм анта тынды. Лапат няхмаң монщ монща – тутан малэм.

Ай ху монщты питцас: «Луң ус. Луң сыс ма пелңа па нипирув ар велсам, талаң хир тэкаптасам. Кимет хира па пирмат акатсам – хирэм тэл тэвалдсэм.

Войдам тыныты питсадам. Йи пелңа тын – дов па мис, йи нипирув тын – дов па мис, йи пирм – ищи дов па мис. Яма тынассам. Дов, мис тащ шитсам.

Дов тащем морая воштасэм. Мис тащем ёхан сыда тусэм. Хатл сыс дэсат, етан пушаса акатсадам.

Алаңсахат мислам хорты питсадам. Сохдал лаккеда ванщсадам. Щиты ешащсам, ешащсам. Ёхи хащам мисэм хорты питсэм, лув нох лоймтас па хухалмас...»

– Акайе!.. Аңкарма, турам ин ил раканал!

Пиращ икел щи пуляң ям доват сорни пая ювемас.

Ай ху ёхдал ратхар хоцца вохсалды. Яма хошмалтысат, щай йинщсат, щутщасат. Алаңсахат ухалдал сорнийн тэл дэсалад, хушсалад па ёхи мантсат. Щи.

Валентина Рожтымова
лэщатсалды



Рупатайн ой па амат ат тул

Хадэват хон мувев хуват ныврэмат уталтаты хоятат емац хатлэд постадат. Муң па, во-патап па куртатан ныврэмат пидан рупитты ёх мойлапса ясаңан китлалдув.

Там порайн ныврэмат ураңан ар хорпи уталтыты тахайт,

уйтантопсайт, олимпиадной движенияйт, проектат верман уллат. Ашкулайн ар хорпи харат рупитлат. Си рупата нын,

няврэмат уталтаты хоятат, вер-латы па тулты.

Рупатайн каш па кеншак манты ураңан, аршак ошаң,

самаң, вецкат эвет па похат ат ёхтылдыдат. Ныврэмат ашкудая лаңхаман ат яңхлат. Сам элты манты рупатайн ой па амат нынана ат тул.

Там лопасан Љорвош рай-он ашкудаятан верам хорат понтсалдув.

Альбина Тырлина ханшам потар



Хор: shurshkola.yamao.ru



Хор: pitag-oz.yamao.ru



Хор: Альбина Тырлина

Газета

«ЛУХ АВТ»

Адрес редакции:
629003, ЯНАО,
г.Салехард,
мкр. Богдана Кнуянца,
д.1, каб.106
(34922) 4-68-63

Е-mail:
luh.avt@yamal-media.ru

Учредитель

Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д.9, каб.708)

Газета зарегистрирована

Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1300 Заказ 1402

Подписные индексы:
на год – ПА700, на полугодие – ПР561

№ 40 (1291)

Газета вышла в свет 4 октября 2025г.
Подписано в печать 2 октября 2025г.
по графику: 16.00
фактически: 16.00

Газета выходит по субботам

Цена годовой подписки 88 руб.,
в розницу не распространяется

Издатель

Департамент внутренней политики ЯНАО
(629008, ЯНАО, г.Салехард,
пр-кт Молодёжи, д.9, каб.708)

Отпечатано в АНО «Ямал-Медиа»
Юридический адрес: 629003, Ямало-
Ненецкий автономный округ, г. Салехард,
мкр. Богдана Кнуянца, д.1, каб.106

Фактический адрес: 629007, Ямало-
Ненецкий автономный округ, г. Салехард,
ул. Чубынина, д.39А

И.о. генерального
директора
АНО «Ямал-Медиа»
Чигиринова

Елена Константиновна

Главный редактор
Яковлева

Алина Кирилловна